



10. august 2021

Inatsisartut maleruagassaanni § 37 imm. 1 malillugu Naalackersuisunut ukuningga apeqquteqaateqarpunga.

Naalackersuisunut apeqquteqaatit:

- 1. Utoqqaat oqaaseqartartuata namminerisaanik allattoqarfeqarnissaanik siunnersuutip tusarniaassutigineqarneranut suna pissutigineqarpa?**
- 2. Suna peqquataava, Naalackersuisut oqaaseqartartut katersorlugit inimi ataatsimi kattussamik allattoqarfeqarnissaanik suliniutip unitsinneqarneranut?**
- 3. Pisortat allaffeqarfiata annertusineranut aningaasartuuteqarnerulerneq Naalackersuisut sunik iluaqutaassangatippaat, tassami taamaattoqassamat Utoqqaat oqaaseqartartua namminerisaminik allattoqarfittaarnissaanut siunnersuut piviusunngussappat?**
- 4. Naalackersuisut oqaaseqartartunik inuillu pisinnaatitaaffiik kattuffinnik oqaloqateqarnissaminik pilersaaruteqarpat, suliffeqarfiit/kattuffiit ataatsimoorussamik allaffeqalernissaannut ataatsimoorussamillu allattoqarfeqalernissaannut suut pitsaaqutaanersut ajoqutaanersulluunniit paasinirlugu?**
- 5. Naalackersuit oqaluserisamut allanik soqutiginaatilinnik paasissutissiisinnaappat?**

(Inatsisartunut ilaasortaq Anna Wangenheim, Demokraatit)

Tungavilersuut

Partiit assigiinngitsut tusartuarpavut, pisortat allaffeqarfiata annikillilerneratigut aningaasanik sipaarnissamik kissaateqartut. Uanga Demokraatillu isuma taanna assut isumaqatigaarput. Taamaattumik uissuumminarpoq, Naalackersuisut tungaanniit pisortat allaffeqarfiat annertuserusunneqarmat utoqqaat oqaaseqartartuata immikkut allattoqarfeqalerneratigut.

Akerlerinngilluinnarparput, utoqqaat oqaaseqartartuata allattoqarfimmik pisariaqartitsinera. Soorunami Utoqqaat oqaaseqartartuat allaffimmioqarnissamik kissaateqarsimavoq. Kisiannili sooq iluatsillugu nutaaliortoqaruni eqaallisaallunilu, taamaasilluta allaffeqarfimmut aningaasartuutit annikillissammata akerlianillu aningaasat sipaarneqartut utoqqarnut pisariaqartumik pitsanngorsaaitut atorlugit?

Arlaqartunik oqaaseqartartoqalereerpugut. Demokraatit isumaqarput, misissorluarneqartariaqartoq oqaaseqartartut assigiinngitsut ataatsimut allaffeqarfeqalerneratigut allaffissornerup eqaannerulernissaa. Taassumami kingunerissammaguttaaq, allattoqarfiit suleqatigiissinnaanerit, isummersoqatigiissinnaanerit ullumikkumiit annertunerujussuarmik, aammalu takorloorneqarsinnaavoq, allaffinnut assigisaannullu sipaartoqarsinnaasoq.



Naalakkersuisuusimasut inuit pisinnaatitaaffiinut ataatsimiititaliarsuarmut inatsisissatut siunnersuut tunuartippaat, tusarniaanerni akissutit takutimmassuk, pingaaruteqartoq oqaaseqartartut peqataatinnissaat Kalaallit Nunaanni innuttaasunut tamanut iluaqutaasinnaasumik nassaarniarnermi.¹

Apeqquteqaatima ullut suliffiusut qulit iluanni akissuteqarfigineqarnissaa kissaatigaara.

¹ <https://sermitsiaq.ag/node/227107>